

**Meeqjanik inuuusuttunillu ikiorisistarneq pillugu Inatsisartut peqqussutaata  
allanngortinneqarnera pillugu Inatsisartut peqqussutaat nr. 9, 14. november 2004-meersoq.  
(Tassanngaannartumik inissiinermut tunngavissarititap erseqqissarneqarnera) Atuussimasoq  
(Historisk)**

**§ 1**

Meeqjanik inuuusuttunillu ikiorisistarneq pillugu Inatsisartut peqqussutaanni makku allanngortinneqarput:

**1. § 8, imm. 3, imatut oqaasertalerneqassaaq:**

"Meeqqap angerlarsimaffiup avataanut inissinnejarnissaanik aalajangiisoqannginnerani suliaq kommunimi oqartussaasoqarfitt assigiinnitsunik suliallit ataatsimiititaanut oqaaseqarfigisassanngorlugu saqqummiunneqassaaq. § 10 a naapertorlugu utaqqiisaagallartumik aalajangiisoqartillugu tamanna tamatuma kingorna pissaaq".

**2. § 10-p kingorna ilanngunneqarpoq:**

" **§ 10 a.** § 6, imm. 3, § 10 aamma § 29 malillugit aalajangiinerit meeqqap inuuusuttulluunniit tassanngaannartumik pisariaqartitsinera eqqarsaatigalugu suliap communalbestyrelsimit suliarineqarnissaa utaqqisinneqarsinnaanngippat ataatsimiititalialiap meeqqanut inuuusuttunullu suliassanik inissiiffiusimasup siulittaasuanit utaqqiisaagallartumik aalajangiiffigineqarsinnaapput.

Imm. 2. Imm. 1 malillugu utaqqiisaagallartumik aalajangiineq sapinngisamik piaernerpaamik ullulu arfineq marluk qaangiutsinnagit communalbestyrelsimit akuerisassanngorlugu saqqummiunneqassaaq, suliniut atorunnaareersimagaluarpalluunniit."

**3. § 11 imm. 3-p kingorna imm. nutaatut ilanngunneqarpoq:**

" Imm. 4. Imm. 1-imi aamma imm. 2-imi aalajangersagaq § 10 a malillugu utaqqiisaagallartumik aalajangiisoqartillugu sanioqqunneqarsinnaavoq, inissiinermi pisimasunut naleqqiullugu tamanna pisariaqartutut nalilerneqarpat."

**4. § 12 imatut oqaasertalerneqassaaq:**

"Akuersisiteeqqaarani inissiinissamik aalajangerneq sapinngisamik nalunaaquttap akunneri 24-it qaangiutsinnagit angajoqqaatut oqartussaassuseqartumut ilisimatitsissutigineqassaaq. Nalunaarummiissapput inissiinermi tunngavagineqartut aammalu illersuisoqarsinnaatitaanermik kiisalu inissiineq pillugu oqaaseqarsinnaatitaanermik ilisimatitsissut."

**5. § 14, imm. 1, imatut oqaasertalerneqassaaq:**

"Kommunalbestyrelsi meeqqanik imaluunniit inuuusuttunik angerlarsimaffiup avataanut inissiinissamik aalajangiitinnagu, tak. §§ 9 aamma 10, iliuusissatut pilersaarasiaq suliarineqassaaq. Iliuusissanik pilersaarasiaq suliarineqarnissaa inissiinissami utaqqineqarsinnaanngippat, imaluunniit § 10 a naapertorlugu utaqqiisaagallartumik aalajangiisoqarneratigut inissiisoqarpat, inissiinermi siunertaasup

naatsukullammik nalunaarutiginissaa naammappoq, tamanna § 10 a, imm. 2 imaluunniit § 12 malillugit allakkatigut ilisimatitsissuteqarnermut atatillugu pissappat. Tamatuma kingorna iliusissanik pilersaarusiaq piaernerpaamik communalbestyrelsip suliarissavaa, kingusinnerpaamik inisseereernermi ullut 14-nit qaangiutsinnagit."

**6. § 18, imm. 1, imatut oqaasertalerneqarpoq:**

"Ilaqutariit inuussutissarsiutigalugu paarsisartut tassaapput ilaqtariit paarsisartut, meeqqanut inuussuttunullu eqqarsartaatsimikkut annertuumik ajoquserneqarsimasunut sumiginnagaasimasunullu imaluunniit meeqqanut inuusuttunullu timimikkut eqqarsartaatsimikkulluunniit annertuumik innarluutilinnut isumaginninnissamut immikkut tunngavissiisumik isumaginninnikkut sullissinissamut ilinniakkamik tunuliaqtallit assigisaanilluunniit inuussutissarsiornermi misilittagallit."

**7. § 25 imm. 1-ip kingorna immikkoortutut nutaatut ilanngunneqarpoq:**

" Imm. 2. Akiliutissaq imm. 1-imi taaneqartoq pillugu, ilanngullugu kommunit akiliutissaanni aningaasartuutit suut ilaandersut pillugit aalajangersakkat, erseqqinnerusunik Naalakkersuisut aalajanersaasinnaapput."

**8. § 35-imi imm. 2-p kingorna immikkoortutut nutaatut ilanngunneqarpoq:**

" Imm. 3. Suliniutit imm. 1-imi taaneqartut pillugit erseqqinnerusunik Naalakkersuisut aalajangersaasinnaapput."

**9. § 37-imi imm. 3 atorunnaarpoq.**

**10. § 39 imatut oqaasertalerneqassaaq:**

" **§ 39.** § 6, imm. 3, §§ 9 – 10a, § 17, § 29 aamma § 38 malillugit aalajangiinerit isumaginnitoqarfuiup aqunneqarnera aaqqissuussaaneralu pillugit Inatsisartut peqqussutaanni aalajangersakkat tunngavigalugit Isumaginninnermut Naammagittaalliuuteqartarfimmut naammagittaalliuutigineqarsinnaapput."

## § 2

Inatsisartut peqqussutaat 1. januar 2005-imi atuutilerpoq.

Namminersornerullutik Oqartussat, ulloq 14. november 2004

Hans Enoksen

/

Asii Chemnitz Narup